



Broj:04-GV-02-1778/17  
Datum: 14.11.2017. godine

**ZAPISNIK**  
**SA OSME SJEDNICE KOMISIJE ZA SPOMENIKE GRADSKOG VIJEĆA**  
*održane 14.11.2017. godine*

Prisutni:

1. Enes Husejnović, predsjedavajući Komisije
2. Sead Srna, zamjenik Predsjedavajućeg
3. Reuf Hafizović, član
4. Jasmin Smječanin, član
5. Nedim Dizdarević, član
6. Pavle Krstić, član

Odsutna: Lana Velić, članica

Sjednici prisustvovala iz Gradske službe za Gradskogvijeće:

- Mirjana Đanović Stanić, šef Odsjeka za stručne poslove

Sjednici prisustvovala Senada Kočan, iz Gradske službe za urbano planiranje, investicijske, stambene i komunalne poslove.

Predsjedavajući je otvorio sjednicu, pozdravio prisutne i utvrdio kvorum za punovažan rad i odlučivanje. Sjednica je započela razmatranjem i jednoglasnim usvajanjem o radu prethodne sjednice Komisije za spomenike održane 19.10.2017. godine.

Poslije rasprave i sažetka Predsjedavajućeg, jednoglasno je usvojen sljedeći **dnevni red**:

1. Razmatranje inicijative gradskog vijećnika Nuke Grebovića
2. Javna rasprava o Nacrtu Programa rada Gradskog vijeća Grada Sarajeva za 2018. godinu
3. Tekuća pitanja

**TAČKA 1.**

*Razmatranje inicijative gradskog vijećnika Nuke Grebovića*

Poslije kratkih uvodnih napomena, te rasprave i sažetka Predsjedavajućeg, jednoglasno su usvojeni sljedeći **zaključci**:

1. Komisija za spomenike je razmotrila inicijativu i konstatira da se inicijativa za izgradnju spomenika Esadu Arnautaliću u parku kraj Predsjedništva odnosi na izgradnju spomenika od značaja za Grad Sarajevo u skladu s članom 2. Odluke o spomenicima od značaja za Grad Sarajevo.



2. Komisija za spomenike konstatira da se očekuje da će Gradonačelnik poduzeti mjere za preispitivanje odnosa u prostoru, te statusa predmetnog parka u cjelini sa svih aspekata koji utiču na buduće rješenje, iniciranjem izrade donošenja urbanističkog projekta kojim će se jasno definirati spomenički kompleks, usklađen s važećom planskom dokumentacijom višeg reda.
2. Komisija za spomenike konstatira da se očekuje da će Grad Sarajevo ovu inicijativu Gradskog vijeća dalje obraditi u skladu s članom 6. Odluke o spomenicima od značaja za Grad Sarajevo i dostaviti Komisiji za spomenike inicijativu sa kompletnom dokumentacijom potrebnom za dalje postupanje Komisije.
3. Komisija za spomenike traži da se, u okviru rješavanja po ovoj inicijativi, Komisiji dostave i inicijative Gradskog vijeća za podizanje spomenika Dariju Džamonji i Kemal Montenu na istoj lokaciji.

## **TAČKA 2.**

### *Javna rasprava o Nacrtu Programa rada Gradskog vijeća Grada Sarajeva za 2018. godinu*

Poslije kratkih uvodnih napomena, te rasprave i sažetka Predsjedavajućeg, jednoglasno je usvojen sljedeći **zaključak**:

Komisija za spomenike je razmatrala Nacrt Programa rada Gradskog vijeća Grada Sarajeva za 2018. godinu, te nema novih primjedbi, prijedloga ili sugestija.

## **TAČKA 3.**

### *Tekuća pitanja*

**A.** Poslije kratkih uvodnih napomena, te rasprave i sažetka Predsjedavajućeg, jednoglasno je usvojen sljedeći **zaključak**:

- I. Na sjednici Komisije za spomenike održanoj 20.09.2017. godine, ovo radno tijelo je razmatralo dopunu Inicijative za podizanje Spomen – ploče HVO Sarajevo na području mjesne zajednice Čengić Vila 1 i donijelo određene zaključke po kojima se očekivalo očitovanje Gradonačelnika.
- II. Budući da traženi materijal još uvijek nije upućen Komisiji na razmatranje, Komisija podsjeća Gradonačelnika na potrebu očitovanja o navedenom zaključku Komisije koji je glasio:
  1. Komisija za spomenike je razmotrila dopunu Inicijative za podizanje Spomen – ploče HVO Sarajevo na području mjesne zajednice Čengić Vila 1 i konstatira da je predmet dopunjen u skladu sa zaključcima Komisije za spomenike.
  2. Komisija za spomenike konstatira da je inicijator, između ostalog, naveo da se očekuje da će Grad Sarajevo sufinansirati podizanje spomenika, te se ne može dalje određivati o ovom predmetu, dok ne dobije od Gradonačelnika očitovanje o predloženom sufinansiranju iz Budžeta Grada Sarajeva.
  3. Komisija za spomenike je stava da je možda tekst potrebno preformulirati tako da više bude usmjeren na spomen poginulim, u odnosu na formu organizacije, i to tako da tekst započinje sa činjenicama o braniteljima, odnosno početkom trećeg pasosa, a da prvi pasos predloženog teksta, postane treći, tako da tekst ne počinje formalnom definicijom „vojno političke organizacije“.
  4. Potrebno je na sljedeću sjednicu Komisije, za koju se očekuje očitovanje Gradonačelnika, pozvati i predsjednika udruženja – inicijatora kako bi dodatno obrazložio inicijativu.“

- B.** Komisija za spomenike je upoznata s inicijativom Gradskog vijeća, vezanom za očitovanje o spomen ploči podignutoj na Vijećnici, te očekuje da će i ovu inicijativu, u skladu s gradskim propisima i u okviru svog djelokruga, ova Komisija razmatrati.
- C.** Komisija za spomenike upućuje zahtjev Predsjedavajućem Gradskog vijeća da uputi Komisiji za spomenike na razmatranje u javnoj raspravi Nacrt Budžet Grad Sarajeva za 2018. godinu, u potrebnom roku, a sa ciljem davanja mišljenja, odnosno davanja svog dopirnosa pri planiranju sredstava za održavanje spomenika od značaja za Grad Sarajevo i podizanja spomenika od značaja za Grad Sarajevo, pogotovo zato što se Komisija susreće s inicijativama koje postaju inicijative Gradskog vijeća, odnosno koje znače finansiranje podizanja spomenika iz sredstava Grada Sarajeva.

*ZAPISNIČAR*

*Mirjana Đanović Stanić*

*PREDSJEDAVALJUĆI KOMISIJE*

*Enes Husejnović, s.r.*